



## **GRAD TUZLA**

Na osnovu člana 7. Programa aktivne politike zapošljavanja iz oblasti poduzetništva na području Grada Tuzla za 2016. godinu („Službeni glasnik Grada Tuzla“, broj: 5/16), Služba za ekonomski razvoj i društvene djelatnosti Grada Tuzla, dana 17.06.2016.godine, objavljuje:

### **JAVNI POZIV**

#### **za učešće u Programu aktivne politike zapošljavanja osoba sa invaliditetom iz oblasti poduzetništva na području Grada Tuzla za 2016. godinu**

#### **I - Predmet Javnog poziva**

Javnim pozivom prikupljaju se aplikacije (prijave) poslodavaca (fizičkih i pravnih osoba) koji zapošljava osobu sa invaliditetom, odnosno stručno osposobljava za rad na području Grada Tuzla u 2016. godinu.

#### **II – Iznos novčane podrške**

Iznos sredstava za ovaj Program određen je u visini od 25.000,00 KM (dvadesetpet hiljada KM) za zapošljavanje osoba sa invaliditetom, sa 60% invaliditeta i više, a iznos novčane podrške po jednoj zaposlenoj osobi sa invaliditetom određen je u visini od 2500,00 KM (dvijehiljadepet stotina KM), s tim što se poslodavcu može odobriti novčana podrška za zapošljavanje maksimalno 2 osobe.

#### **III - Pravo učešća**

Pravo za učešće u Programu aktivne politike zapošljavanja iz oblasti poduzetništva na području Grada Tuzla za 2016. godinu mogu ostvariti poslovni subjekti (fizička i pravna lica) koji ispunjavaju sljedeće uslove:

- da imaju registrovanu poslovnu djelatnost na području Grada Tuzla,
- da obavljaju proizvodnu djelatnost, ili proizvodne usluge,
- da nezaposlenu osobu sa invaliditetom sa najmanje 60% invaliditeta, s evidencije Biroa za zapošljavanje Tuzla ima namjeru zaposliti po osnovu ugovora o radu na neodređeno vrijeme ili na određeno vrijeme sa rokom zapošljavanja, ili stručnog osposobljavanja za rad najmanje na šest mjeseci, ili je to u ovoj godini već učinio.
- da redovno izmiruje obaveze po osnovu poreza i doprinosa.

#### **IV- U ovom javno pozivu ne mogu učestvovati**

Aplikanti će biti isključeni iz učešća u pozivu ili iz dodjeljivanja sredstava novčane podrške za aktivnu politiku zapošljavanja iz oblasti poduzetništva na području Grada Tuzla, ako su u trenutku raspisivanja javnog poziva:

- (a) subjekti sukoba interesa;
- (b) krivi za davanje lažnih informacija ovlaštenoj strani za ugovore, koje su potrebne kao preduslov za učestvovanje u pozivu za novčanu podršku ili ako nisu dostavili potrebne informacije;
- (c) pokušali doći do povjerljivih informacija, uticali na komisiju za provođenje postupka dodjele, ili ovlaštenu stranu za ugovore u toku postupka.

## **V - Način prijavljivanja**

Prijave na Javni poziv podnose se na prijavnom obrascu kojeg je propisala Služba za ekonomski razvoj i društvene djelatnosti Grada Tuzla.

Prijavni obrazac sa izjavom može se preuzeti na web stranici Grada Tuzla ([www.tuzla.ba](http://www.tuzla.ba)), ili u Centru za pružanje usluga građanima (protokol Grada Tuzla).

Uz popunjen prijavni obrazac, aplikant je obavezan da dostavi i sljedeće dokumente:

1. dokaz o registraciji privrednog društva ili samostalne djelatnosti (ovjerenu kopiju);
2. obavjest o razvrstavanju prema djelatnosti izdato od Zavoda za statistiku (kopija);
3. broj računa u poslovnoj banci na koji će sredstva biti uplaćena;
4. karton deponovanih potpisa ovlaštenih osoba (kopija);
5. uvjerenje nadležne institucije o izmirenim obavezama po osnovu poreza i doprinosa za PIO/MIO i zdravstveno osiguranje ne starije od tri mjeseca;
6. uvjerenje o broju zaposlenih osoba ne starije od 30 dana;
7. spisak osoba sa invaliditetom sa 60% invalidnosti ili više, koje namjerava zaposliti, ili je zaposlio u 2016. godini, sa uvjerenjem o evidenciji Biroa za zapošljavanje Tuzla;
8. Rješenje nadležne ustanove o priznavanju statusa osobe sa invaliditetom sa procentom invalidnosti 60% i više.
9. ovjerenu izjavu da će kao poslodavac osobu za čije zapošljavanje dobija novčanu podršku zadržati u radnom odnosu minimalno 6 mjeseci, o čemu će dostavljati odgovarajuće dokaze (potpisane i ovjerene platne liste osoba čije se zapošljavanje novčano podržava, kopiju izvodka iz banke iz kojeg je vidljiva isplata neto plaće i specifikaciju plaća za svaki mjesec (obrazac izjave uz prijavu));
10. ovjerenu izjavu da je saglasan da u slučaju nepoštovanja odredbi Programa koji se odnose na vremensko razdoblje zapošljavanja, u narednih pet godina neće moći sudjelovati u bilo kom Programu zapošljavanja koji se novčano podržava iz budžeta Grada Tuzla (obrazac izjave uz prijavu).

## **VI – Provjera aplikacija (prijava)**

Kvalificiranost aplikacije provjerava Komisija, te sačinjava listu poslodavaca koji ispunjavaju uslove za novčanu podršku i sačinjava Prijedlog Odluke o odabiru poslodavaca.

## **VII – Podnošenje aplikacija (prijava)**

Prijave na Javni poziv sa pratećom dokumentacijom dostavljaju se u zatvorenoj kovrti putem Centra za pružanje usluga građanima (protokol Grada Tuzla) ili poštom na adresu:

**GRAD TUZLA**  
**Služba za ekonomski razvoj i društvene djelatnosti**  
**Ul. ZAVNOBIH-a broj 11, 75000 Tuzla, Bosna i Hercegovina**

sa naznakom:

**„Prijava na Javni poziv za učešće u Programu aktivne politike zapošljavanja osoba sa invaliditetom iz oblasti poduzetništva na području Grada Tuzla za 2016. godinu – ne otvaraj“**

**Javni poziv je otvoren do utroška sredstava.**

Sve dodatne informacije o načinu i postupku učešća u Javnom pozivu, mogu se dobiti u Službi za ekonomski razvoj i društvene djelatnosti Grada Tuzla, direktno ili putem telefona: 035/307-380.